



Broj: 02-03-1251/21
Sarajevo, 27.10.2021. godine

Na osnovu člana 18. stav (1), člana 21. tačka d), člana 24. tačka a) i člana 28. Zakona o javnim nabavkama („Službeni glasnik BiH“, broj 39/14), te člana 27. u vezi sa članom 23. Pravilnika o javnim nabavkama roba, usluga i radova u Kantonalnom stambenom fondu Sarajevo, broj: 02-02-331/2019 od 18.03.2019. godine i broj: 02-03-378/2020 od 04.03.2020. godine, v.d. Direktor Kantonalnog stambenog fonda Sarajevo (Fond) kao Ugovorni organ, **d o n o s i**

O D L U K U

o pokretanju postupka javne nabavke radova:

**DODATNI RADOVI NA ADRESAMA: XII HERCEGOVAČKE BRIGADE 15 I BAN BRDO 32,
OPĆINA HADŽIĆI U SKLOPU OKVIRNOG SPORAZUMA O NABAVCI RADOVA - MODEL
POBOLJŠANJA ENERGIJSKE EFIKASNOSTI U ZGRADARSTVU NA PODRUČJU
KANTONA SARAJEVO**

-Pregovarački postupak bez objave obavještenja o nabavci-

I

Odobrava se pokretanje postupka javne nabavke radova: Dodatni radovi na adresama: XII Hercegovačke brigade 15 i Ban brdo 32, Općina Hadžići u sklopu Okvirnog sporazuma o nabavci radova - Model poboljšanja energijske efikasnosti u zgradarstvu na području Kantona Sarajevo.

Javna nabavka iz ove odluke nije podijeljena na lotove.

Jedinstveni rječnik javne nabavke je: 45000000-7 – Građevinski radovi.

Radovi iz stava 1. ove tačke će se izvoditi na adresama: XII Hercegovačke brigade 15 i Ban brdo 32, Općina Hadžići.

II

Zakonski osnov za provođenje postupka javne nabavke je sadržan u članu 24 tačka a). Zakona o javnim nabavkama – Posebni uslovi za primjenu Pregovaračkog postupka bez objave obavještenja za nabavku radova.

III

Procijenjena ukupna vrijednost radova iz tačke I ove odluke iznosi 4.146, 15 KM bez PDV-a.

IV

Finansijska sredstva za realizaciju ove nabavke su obezbijedena u Finansijskom planu Kantonalnog stambenog fonda Sarajevo za 2021. godinu, a vode se na Ekonomskom kontu broj: 530100 – Dodatni radovi na adresama: XII Hercegovačke brigade 15 i Ban brdo 32, Općina Hadžići u sklopu okvirnog sporazuma o nabavci radova - Model poboljšanja energijske efikasnosti u zgradarstvu na području Kantona Sarajevo.

V

Vrsta postupka javne nabavke: Pregovarački postupak bez objave obavještenja o nabavci.

VI

Kriterij za dodjelu ugovora je „najniža cijena“.





VII

Za realizaciju ove Odluke zadužuje se Odjel za projektovanje, nadzor i ostale tehničke poslove i Odjel za pravne i ekonomske poslove Fonda.

VIII

Ova odluka stupa na snagu danom donošenja.

O b r a z l o ž e n j e

Odredbom člana 18. stav (1) Zakona o javnim nabavkama („Službeni glasnik BiH“, broj 39/14), propisano je da ugovorni organ pokreće postupak javne nabavke donošenjem odluke u pisanom obliku koja obavezno sadrži zakonski osnov za provođenje postupka javne nabavke, predmet nabavke, procijenjenu vrijednost nabavke, podatke o izvoru finansiranja i vrstu postupka javne nabavke.

Osim toga odredbama čl.: 21. tačka d), 24. tačka a) i 28. Zakona o javnim nabavkama („Službeni glasnik BiH“, broj 39/14), utvrđeno je da ugovorni organ može izuzetno zbog dokazivih razloga i krajnje hitnosti, a zbog dodatnih radova prethodno provedenog postupka javnih nabavki, postupak javnih nabavki provesti putem Pregovaračkog postupka bez objave obavještenja o nabavci.

U konkretnom slučaju, Ugovorni organ je u skladu sa Zakonom, nakon provedenog postupka javnih nabavki putem Otvorenog postupka - E Aukcija, sa privrednim društvom/ponuđačem „Sela“ d.o.o. Sarajevo, sklopio **Okvirni sporazum o nabavci radova - Model poboljšanja energijske efikasnosti u zgradarstvu na području Kantona Sarajevo na povećanju broja korisnika (individualni objekti u 2020. godini) - Općina Hadžići, broj: 02-03-483/21 i broj: 121-50 od 21.04.2021. godine**, te Osnovni ugovor o izvođenju radovana adresi XII Hercegovačke brigade br. 15, broj: 02-03-483-2/21 od 31.05.2021. godine, odnosno broj: 210531-D-001 od 31.05.2021. godine i Osnovni ugovor o izvođenju radova na adresi Ban brdo br 32, broj: 02-03-483-3/21 od 31.05.2021. godine, odnosno broj 210531-D-003 od 31.05.2021. godine (u daljnjem tekstu: Osnovni ugovori).

Kako je tokom izvođenja ugovorenih radova po Osnovnim ugovorima nastupila okolnost da je potrebno izvesti i određene dodatne radove, Ugovorni organ je ocijenio da ima potrebu za nabavkom potrebnih dodatnih radova na adresama: XII Hercegovačke brigade 15 i Ban brdo 32, Općina Hadžići, obzirom na činjenicu da su isti neophodni za dalji nastavak radova po Osnovnom ugovoru za izvođenje radova u skladu sa pravilima struke i važećim tehničkim propisima, za što je Nadzorni organ dao detaljno Mišljenje sa obrazloženjem svake stavke.

Shodno naprijed navedenom, nije svrsishodno da se predmetna javna nabavka podijeli na lotove.

Cijeneći naprijed navedeno odlučeno je da se pristupi provođenju javne nabavke na način kako je to definisano ovom odlukom.

Dostaviti:

1. Odjel za projektovanje, nadzor i ostale tehničke poslove,
2. Odjel za pravne i ekonomske poslove Fonda,
3. U evidenciju,
4. U spis.

